

/// CIC DAN POKK ANJUR IndEnt 2004

Pusat Kerjasama Industri (CIC) dengan kerjasama Pusat Kemahiran Komunikasi dan Keusahawanan (POKK) KUKUM telah menganjurkan Program IndEnt 2004 pada 25 September 2004 lalu bertempat di Dewan Kuliah Pelajar (DKP) 3, Pusat Kejuruteraan KUKUM di Kuala Perlis.

Program yang turut dihadiri oleh Encik Yufridin Wahab, Pengarah CIC dan pensyarah-pensyarah KUKUM itu adalah program yang diwajibkan kepada para pelajar Tahun Dua KUKUM. IndEnt merupakan salah satu program yang bertujuan memberi pendedahan keusahawanan kepada para pelajar yang telah mendaftar bagi mata pelajaran Keusahawanan Kejuruteraan EUW 224.

Objektif program ini antara lain bertujuan untuk memberi pendedahan kepada pelajar-pelajar KUKUM mengenai panduan memajukan diri sebagai usahawan di dalam industri teknologi yang berasaskan kejuruteraan. Ia juga secara langsung dapat membuka minda pelajar-pelajar dengan membina keyakinan diri untuk berjaya di dalam bidang yang diceburi serta dapat mempertingkatkan pandangan dan menjelaskan peluang-peluang yang disediakan di dalam bidang keusahawanan.

Program turut mengundang Encik Ahmad Takiuddin bin Shuaib, Pengarah Urusan Mixed Action Sdn. Bhd. bagi menyampaikan ceramah yang bertajuk 'Usahawan Teknologi: Persiapan Mentor dan Kemahiran'. Kira-kira 302 orang pelajar KUKUM telah menghadiri seminar selama satu hari tersebut.